

Daventar mamma sut cundiziuns fitg difficilas

Il destin sto avair previs ina rolla speziala e pretensiusa per Julia Fischer. Sco dunna giuvna è ella stada involvida en in grev accident da traffic, è vegnida d'in mument a l'auter paraplegicra ed ha ultra da quai anc stui avair tema per ses uffant betg anc naschì. Ma Julia Fischer ha mobilisà tut sias forzas, malgrà ch'ella era en la sutga cun rodas, ed ha parturì ina figlia sauna. Avant passa 30 onns è quai stà quasi in miracul.

SILVIA BUSCHER

Julia Fischer aveva pir 19 onns, era spunsada ed il terz mais en speranza. L'assistenta da dentist, oriunda da la Germania, era gist vegnida a star en Svizra. Ella aveva anc ina massa giavischs, finamiras e plans per ses avegnir, cura che sia vita è sa midada a moda gravanta entaifer paucas secundas. Igl è mesemna, ils 17 da fanadur 1974. Duas dunnas èn sin via a chasa,

sunter ch'ellas han fatg ina cumpra tut speziala. Julia Fischer ha cumprà in vestgi da nozzas e traglischas. «Toni, l'uffant, las nozzas – jau na sai betg co supportar

tanta ventira en ina giada. Ma jau sai ussa tge che quai vul dir jau ves tut mo rosas», di ella a sia amia.

«Nov da diesch enconuschents na cartevan betg ch'i dettia in uffant saun.»

Tuttenina datti in sfratg enorm. Frains che tgulan. Umans che sbragian. Sin via tranter Knutwil e Büron siglia in auto da la vart en l'auto cun las duas dunnas. Quel cupitga duas giadas, collidescha suenter cun la saiv directiva e rudla da la scarpa giu. Tras la collisiun vegn la dunna en speranza bittada sin il sez davos – da quel temp na mettev'ins anc betg si tschinta. Dal co e dal pertge na po Julia Fischer betg sa reguardar gist suenter l'accident, ma ella realisescha spert ch'insatge n'è betg en urden cun ella.

Ina chargia dubla

Entant che sia amia è mitschada cun in pèr blessuras levas, è Julia Fischer, ch'era grevamain blessada, vegnida transportada en l'ospital da Sursee. Là han ils medis constatà che l'emprim spinal da las ancas era sa



JULIA FISCHER

VEGLIADETGNA
52 ONNS

LIEU DA DOMICIL
SEMPACH LU

IMPEDIMENT
PARAPLEGIA

RASCHUN
ACCIDENT
DA TRAFFIC

fendi ed il magugl dal dies sin la medema altezza era separà cumplettamain. Ma l'emprim mument n'è betg la diagnosa da la paraplegia stada en il center. La dunna giuvna ha surtut fatg quitads per ses uffant betg anc naschì, dal qual ils medis na savevan anc nagut.

Fin che la dunna blessada è vegnida transportada in pèr uras pli tard en il center da paraplegia a Basilea, ha l'embrio gia stui supportar ina massa chaussas ch'èn

uschiglio d'evitar absolutamain durant las emprimas emnas da la gravidanza: radiografias e medicaments per cumbatter las dolurs ed il schoc e per calmar. Perquai na devi per ils spezialists nagin dubi che la gravidanza stoppia vegnir interrutta. Cunzunt na vulev'ins betg ristgar che questa dunna grevamain blessada ed impedita per vita duranta haja forsà anc d'avair quità d'in uffant impedi. Julia Fischer è vegnida en in dilemma

Sco in miracul: sis mais suenter in grev accident ha Julia Fischer, adina sustegnida da dr. med. Guido A. Zäch, parturi ina mattetta sauna.



a moda artificiala. Ma la mamma futura saveva intuitivamain che en ses venter creschiva in uman cumbattant. Durant ch'ella survegniva sia infusiun, fascheva ella ils emprims discurs cun ses uffant: «Mes poppin, prenda simplamain quai che ti dovras!» E quai ch'è succedi suenter, era ed è fin oz in eveniment unic en Svizra.

«Ils sis mais avant la naschienscha èn stads per mai in temp enorm grev e fitg lung.»

nunsupportabel ed ha ditg cun larmas en ils egl: «Jau sun m'allegrada uschè fitg sin quest uffant!»

Tranter speranza e tema

Sulettamain dr. med. Guido A. Zäch, da lez temp schefimedi en il Center svizzer da paraplegia a Basilea, ha dà curaschi e confidenza a la dunna giuvna: «Vus vegnis a parturir in uffant saun ed el vegn ad esser il center da Vossa vita. Questa incumbensa As dat in senn e satisfacziun. Vus n'essas betg suletta, nus As gidain. Vus pudais quintar cun mai.»

Turmentada da fermas dolurs è ella durant sis mais adina puspè vegnida tratga vi e nà tranter speranza e confidenza d'ina vart e sentiments da tema e panica da l'autra. Ultra da quai han blers enconuschents demussà pauca chapientscha e dà cussegls «bain manegiads»: «E sch'insatge va crutsch? Quai na vala betg la paina! Pensa l'emprim a tai ed a tes impediment!»

Cunquai che Julia Fischer era mudregiada d'in malesser permanent, ha ella pers l'appetit e sia paisa è sa reducida uschè massivamain ch'igl è stà necessari da nutrir ella

Gronda ventira: la figlia Jeannette è stada davent da l'entschatta il center da la vita da la giuvna mamma.



La damaun marvegli dals 11 da schaner 1975 ha Julia Fischer parturì ina mattetta sauna numnada Jeannette. «Quest mument da cumplains ventira ha cumpensà tut il mal e tut las temas che jau hai gi», ha la mamma en sutga cun rodas ditg pli tard.

Tschertgar e chattar ses plaz

Suenter il return en il center da paraplegia ha ella pudì cumenzar cun la rehabilitaziun per propi. Quella è ida relativamain spert e per gronda part senza problems, era grazia

al letget d'uffant cun il cuntegn custaivel sco motivaziun. Jeannette ha gi da tut temp l'attenziun cumplains da sia mamma e lur relaziun è vegnida pli e pli stretga suenter il segiurn en la clinica. La giuvna lètg però n'ha deplorablamain betg tegnì pitg a questas cundiziuns ordvart difficilas. Julia Fischer ha pia stuì educar suletta sia figlia. Ultra da quai ha ella stuì far il perchasa, gudagnar il paun da mintgadi per la famiglia pitschna e surmuntar anc auters obstachels. Ma la dunna viva, disciplinada



In'amicizia fitg stretga: Jeannette (a sanestra) e Julia Fischer discuteschan tut ina cun l'atra.



In pèr engaschà: la dunna en sutga cun rodas e Beat Merz mainan in biro da viadi.

e segira da sasezza n'ha mai laschà luc. Ella è vegnida a frida meglier e meglier en in mund dominà da glied abla da chaminar ed ella ha conquistà in plaz stabel en quest mund. Pli tard ha ella era chattà in nov partenari, Beat Merz, che ha dà sustegn ad ella.

Engaschi per ils conumans impedids

Las numerusas experientschas che Julia Fischer ha fatg en il decurs da sia reintegrazion en la societad han intimà ella da s'engaschar era per altra glied en sutga cun rodas. Ella ha per exempel gidà a fundar in club da sautar cun il num «Nit nume z'Fuess», en il qual ella è stada durant blers onns commembra activa. In da ses hobis preferids, sch'il temp lubescha, è oz il picturar sin saida. Sco possessura d'in biro da viadi, en il qual era Beat Merz e la figlia Jeannette lavuran, è la dunna da 52

onns engaschada fermamain. L'interpresa da famiglia «Rolli travel» porscha ils pli divers arranschaments en l'entir mund, ma ella è surtut spezializada sin offertas per umans impedids. Julia Fischer sco persuna pertutgada recogno-scescha ed examine-scha sezza a moda fitg critica, tge purschidas che satisfan propi als basegns specifics dals umans en sutga cun rodas.

Avant passa 30 onns è Julia Fischer daventada nunvoluntariamain ina pioniera per las mammas en sutga cun rodas. Ella ha cuntinuà a giugar questa rolla a moda impressiunanta ed ha fatg curaschi ad autras dunnas en sutga cun rodas da tegnair la dira e las ha era mussà novas perspectivas. ■

«Ins na po betg cumenzar ina nova vita, ma mintga di in nov di.»